

女科證治準繩


四之四

松  
科  
別

✕  
n 44

Kitasato Memorial Medical Library

F 10  
シ-131



490.9  
子

No 3178  
• 10 2 44

淋

大姓小使淋者乃腎與膀胱虛熱不能制水然妊婦胎繫於腎腎則虛熱而胎斯墮者心煩悶亂各



淋症  
白濁  
赤濁

味麥門冬參石肺氣虛而短少用補中益氣加山藥  
九經丸  
牛膝黃蘗知  
道遙散  
胎前  
產後  
經濕熱  
胎前  
產後  
經濕熱



490.9 No 3178  
50-3 112 11 44  
13

淋遺尿 尿血 眼目 藏燥悲傷

妊病可下胎 胎動 胎自墮 胎不長

日月未足欲 產過期不產 鬼胎

臨產坐草法 催生法 下死胎法



淋

天妊娠小便淋者乃腎與膀胱虛熱不能制水然妊婦胞繫於腎腎間虛熱而成斯證甚者心煩悶亂名曰子淋也 薛前證若頸項筋攣語澹甚用羚羊角散痛身體若小便澹少淋瀝用安榮散若肝經濕熱用龍膽瀉肝湯前陰諸疾若肝經虛熱用加味道遙散腿足轉筋而小便不利急用八味丸緩則不救若服燥劑而小便頻數或不利用生地黃茯苓牛膝黃蘗知母芎歸甘草若頻數而色黃用四物加黃蘗知母五味麥門玄參若肺氣虛而短少用補中益氣加山藥

胎前

女科

卷三



麥門若陰挺痿痺而頻數用地黃丸若熱結膀胱而  
 不利用五淋散淋若脾肺燥不能化生宜黃芩清肺  
 飲淋若膀胱陰虛陽無所生用滋腎丸淋若膀胱陽  
 虛陰無所化用腎氣丸一婦人每怒發熱脇脹小  
 便淋瀝如遇經行旬餘未已受胎三月因怒前證復  
 作朝用加味道遙散夕用安胎飲各一劑而安五月  
 又怒復下血如經行四日未止仍用前藥而愈一  
 妊娠飲食後因惱怒寒熱嘔吐頭痛惡寒胸腹脹痛  
 太便不實其面青色小便頻數時或有血服安胎止  
 血之劑益甚余曰寒熱嘔吐而腹脹此肝木射脾土

而元氣傷也大便不實而面青此飲食傷脾兼肝侮  
 土也小便頻數而有血此肝熱傳胞而兼挺痿也用  
 六君子加枳殼紫蘇山梔一劑脾胃頓醒又用加味  
 逍遙散加紫蘇枳殼一劑小便頓清後節飲食調理  
 而安

地膚大黃湯外臺 療妊娠子淋宜下

川大黃 地膚草各參兩 知母

黃芩 豬苓 赤芍藥

通州 川升麻 枳實

甘草 各貳兩



右吹咀每服肆錢水壹盞煎柴分去滓溫服  
療妊娠患淋小便澁不利小腹水道熱痛

冬葵子

升

芍藥 貳兩

黃芩

赤茯苓

車前子 各叁兩

右吹咀以米柒升煎至貳升溫分三服

療妊娠數月小便淋瀝疼痛心煩悶亂不思飲食

瞿麥穗

赤茯苓

桑白皮

木通

葵子 各壹兩

黃芩

芍藥

枳殼

車前子 各半兩

右為粗末每服肆錢水壹盞煎至陸分溫服

安榮散 治妊娠小便澁少遂成淋瀝

麥門冬

去心

通草

滑石

人參

細辛 各貳錢

當歸 去蘆酒浸

燈草

甘州 各半兩

右為細末每服貳錢不拘時麥門煎湯調服

大腹皮散 治妊娠大小便赤澀

大腹皮

枳殼 去白炒

甘州 壹錢

赤茯苓

去皮

右為細末每服貳錢不拘時濃煎蔥白湯調下

經心錄療妊娠患子淋小便數出少或熱疼痛及子



煩

地膚子 參兩

右細切水肆升煮取貳升半去滓分三服日三服

補遺治胎前諸般淋瀝小便不通

檳榔

赤芍藥 各等分

右劉每服伍錢水煎溫服甚效

豬苓散

療妊娠子淋小便澀痛 方見前大便不通

遺尿

薛若將中有熱宜用加味道遙散若脾肺氣虛宜用補中益氣湯加益智若肝腎陰虛宜用六味丸一妊婦遺尿內熱肝脉洪數按之微弱或兩太陽作痛脇肋作脹余以為肝火血虛用加味道遙散六味地黃丸尋愈後又寒熱或發熱或恚怒前證仍作用八珍散逍遙散兼服以清肝火養肝血而痊

白薇散 療妊娠胎滿不知小便出時 見前三卷遺尿

桑螵蛸散 治妊娠小便不禁

桑螵蛸

貳拾枚炙黃







梔而痊

千金療妊娠卒下血及子淋方

葵子 壹升研

右以水五升煮取貳升分温三服

又方 生艾葉 壹斤研冬用乾者亦得

右以酒伍升煮取貳升分三服

又方 生地黃 壹升切

右以酒四升煮取貳升分温三服亦療落身後血

續斷湯 治妊娠下血及尿血

當歸

生地黃 各壹兩

續斷 半兩

赤芍藥 貳錢半

右為末空心蔥白煎湯調下貳錢

療妊娠尿血方

阿膠

熟地黃 各等分

右為細末空心粥飲調下貳錢

補遺薑蜜湯 治妊娠小便尿血

生薑 朱片

蜜 半盞

白茅根 壹握

右入水濃煎服

五苓散去桂加阿膠 同為粗末每服肆錢用車前

子白茅根濃煎温服

胎前尿血

女科十四

原大



月

女科

聖

又方 白茅根濃煎湯吞酒蒸黃連丸

*[Faint bleed-through text from the reverse side of the page]*

眼目

一婦將臨月忽然兩目失明不見燈火頭痛眩暈項  
腮腫滿不能轉頸諸治不瘥反加危困偶得消風散  
服之病減七八獲安分挽其眼弔起人物不辨乃以  
四物湯加荆芥防風更服眼科天門冬飲子二方間  
服目漸稍明大忌酒麵煎炙鷄羊鵝鴨豆腐辛辣熱  
物并房勞此證因懷妊多居火間衣著太煖伏熱在  
內或酒麵炙燻太過以致胎熱也  
天門冬飲子 治妊娠肝經風熱上攻眼目帶弔失  
明

胎前眼目

女科

百



天門冬

去心

知母

羌蔚子

五味子

防風

去蘆

茯苓

去皮

川羌活

去蘆

人參

各壹錢

右作一服水貳鍾生薑叁片煎至壹鍾食後服

臟躁悲傷

陳良甫記管先生治一妊娠四五箇月臟躁悲傷遇晝則慘慄淚下其象若神靈如有所憑醫與巫皆無益與仲景大棗湯一投而愈薛前證或因寒水攻心或肺有風邪者治當審察一妊婦無故自悲用大棗湯二劑而愈後復患又用前湯佐以四君子加山梔而安一妊婦悲哀煩躁其夫詢之云我無故但自欲悲耳用淡竹茹湯為主佐以八珍湯而安仲景婦人臟躁悲傷欲哭象如神靈所作數欠伸甘麥大棗湯主之



甘麥大棗湯方

甘艸 叁兩

小麥 壹升

大棗 拾枚

右以水陸升，煮取叁升，溫分三服，亦補脾氣。許學士云：鄉里有一婦人，數次無故悲泣不止，或謂之有祟，祈禳請禱，備至終不應。予忽憶金匱有一證云：婦人臆躁悲傷欲哭，象如神靈，數欠伸者，宜甘麥大棗湯予急令治，藥盡劑而愈。古人識病制方，種種絕妙如此。淡竹茹湯治妊婦心虛驚悸，臆躁悲傷不止，又治虛煩甚效。

麥門冬 去心

小麥

半夏 湯泡各

人參

白茯苓 各壹兩半

甘草 壹兩

右剉散，每服肆錢，薑五片，棗壹枚，淡竹茹壹團，如指大，同煎，溫服。

又方 治胎臆躁自悲自哭自笑，右以紅棗燒存性，米飲調下。







謀於余余第令服佛手散以為可安即安不可安即下順其自然而已既數服公憂疑不決女科醫者檢方以進乃用牛膝壹兩酒煎服謂牛膝固補下部藥耳用之何害公遂信而服之而胎果下余時有從母之戚未及知比知而馳至則聞盈庭皆桂麝氣蓋因胞衣未下許醫又進香桂散矣血遂暴下如大河決不可復止亟煎獨參湯未成而卒公哀傷甫定而過余謝且諭余曰牛膝補藥而能墮胎何也余對曰生則宣而熟則補故破血之與填精如箭鋒相拄豈獨牛膝哉鹿角亦墮胎破血而煎為白膠則安胎止血

因其熟而信其生此之謂粗工公歎恨無已余故特著之以為世戒

大全治妊娠母因疾病胎不能安可下之取七月七日法麪作大肆兩水貳大盞煎取壹盞分綿濾去滓分溫三服立下又方太麪伍升清酒壹斗煮二沸去查分五服隔宿勿食但再服其子如糜母無疾  
苦千金不傳妙 又方麥蘖壹升為末和水煮貳升服之即下神效 又方附子為末以淳苦酒和塗右足去之大良 又方取雞子壹枚以三指撮鹽放雞子中服之立出



按陳良甫所列有牛膝湯桂心散諸方婁全善皆不之取而獨取此數方其見卓矣

**斷產丹斷子法** 用白麵麩壹升無灰酒伍升打作糊煮貳升半用絹帛濾去渣作參服候前月經將來日晚下吃一服次日五更吃一服天明吃一服月經即行終身絕子

**天斷產驗方**故蠶紙方圓壹尺燒為末酒飲調服終身不復懷孕 又方用油煎水銀二白方息空心服棗核大壹丸永斷孕不損久 四物湯每服伍錢加生薑子貳錢於經行後空心溫

服

**薛前**云用蠶故紙尺許燒灰為末產後酒服之血虛者終不復孕太抵斷產之劑多用峻厲往往有不起者是則產之害未若斷產之害也吾聞閣老張羅峰太常李恒齋俱因服斷產之劑自謂形體俱怯遇勞必病有由然矣

按夷堅志載東京女子白牡丹以售墮胎藥生得惡報今雖列如上方以備萬一之用用者尚其慎之



胎自墮

丹陽施陰化胎孕乃成血氣虛損不足營養其胎自  
墮或勞怒傷情內火便動亦能墮胎推原其本皆因  
於熱火能消物造化自然病源乃謂風冷傷於子臟  
而墮此未得病情者也予見賈氏婦但有孕至三月  
左右必墮診其脈左手大而無力重取則澆知其血  
少也以其妙年只補中氣使血自榮時正夏初教以  
濃煎白朮湯下黃芩末壹錢服三四十貼遂得保全  
其生因而思之墮因內熱而虛者於理為多曰熱曰  
虛當分輕重蓋孕至三月止屬相火所以易墮不然

胎前胎自墮

女科四

百七



何以黃芩熟艾阿膠等為安胎妙藥耶好生之工幸無輕視。一婦年三十餘或經住或成形未具其胎必墮察其性急多怒色黑氣實此相火太盛不能生氣化胎反食氣傷精故也因令住經第二月用黃芩白朮當歸甘州服至三月盡止藥後生一子。一婦經住三月後尺脉或濇或微弱其婦却無病知是子宮真氣不全故陽不施陰不化精血雖凝終不成形至產血塊或產血胞。一婦腹漸大如懷子至十月求易產藥察其神色甚困難與之藥不數日生白蟲半桶蓋由婦之元氣大虛精血雖凝不能成胎而為

穢腐滋積之久濕化為熱濕熱生蟲理之所有亦須周十月之氣發動而產終非佳兆其婦不及月死濕熱生蟲譬之溝渠汚濁積久不流則諸蟲生于其間矣。汪石山治一婦長瘦色黃白性躁急年三十餘常患墮胎已七八見矣診其脉皆柔軟無力兩尺雖浮而弱不任尋按曰此因胎墮太多氣血耗甚胎無滋養故頻墮譬之水涸而木枯土削而木倒也况三月五月正屬少陽火動之時加以性躁而急發之故墮多在三五月也宜大補陰湯去桂加黃蘗黃芩煎服仍用研末蜜丸服之庶可保生服半年胎固而



生三子。錢仲陽治一孕婦病醫言胎且墮。錢曰：妊者五臟傳養，率六旬乃更候其月，偏補之何必墮。已而母子皆全。陳斗崑治一婦有胎四月墮下逾旬，腹腫發熱，氣喘脈洪盛，面赤，口鼻舌青黑。陳診之曰：脈洪盛者，胎未墮也；面赤心火盛而血乾，此舌青口鼻黑，肝既絕而胎死矣。內外皆曰胎墮久矣。復診，色脈如前，以蛇蛻煎湯下平胃散，加芒硝歸尾，一倍服之，須臾腹鳴如雷，腰腹陣痛，復一死胎隨下，病亦愈。程仁甫治一婦年近四十，稟氣素弱，自去其胎五日内漸漸腹脹如鼓，至心前上吐不能食，用補藥不

效。診六脈微弱，但只叫脹死，此乃損傷脾氣而作脹。然急則治其標，若泥丹溪法恐緩不及事矣。用桃仁承氣加枳實厚朴，倍硝黃煎服四分，吐去其一，次早仍不通，事急又服琥珀丸三錢，至申時大通，脹減但體倦四肢無力，口不知味，發熱再用參芪歸芍查木陳皮八劑而安。江應宿治汪鎬妻三十五歲厭產，誤服打胎藥，下血如崩，旬餘腹痛一陣即行，或時鼻衄，諸藥不效。診得六脈數而微弦，乃厥陽之火泛逆，投四物換生地黃加阿膠炒黑山梔蒲黃一劑愈。薛氏云：大抵治法須審某月屬某經，育養而藥之。



濟生芎藭補中湯 治懷孕血氣虛弱不能衛養以致數月而墮名曰半產每見婦人孕不能滿十月而損墮得服此遂安全

芎藭

乾薑 炮各壹錢

白芍藥

人參

右作一服水貳鍾煎至壹鍾不拘時服

阿膠湯 治妊娠數墮胎小腹疴痛不可忍

阿膠

芎藭

五味子

黃芪 去蘆蜜炙

白朮 各壹錢半

木香 不見火

當歸 酒浸

熟乾地黃 焙

艾葉 微炒

當歸 切焙

杜仲 去粗皮炙

白朮 各壹兩

右咬咀每服肆錢水壹盞半棗參枚擘破同煎至捌分去滓食前溫服

杜仲丸 治妊娠三兩箇月胎動不安防其欲墮宜預服之

預服之

杜仲 薑製炒去絲

為末煮棗肉杵丸梧子大每服柒拾丸米飲下

四製艾附丸 治婦人數墮胎由氣不升降所以胎

氣不固尤宜服此

香附

搗去毛本壹斤分四分十分酒浸十分醋一分童便一分鹽水各浸七日取出焙乾



胎前 婦科

為細末醋煮糊和丸梧子大每服柒拾丸空心温

酒下肥人只依本方瘦人加澤蘭葉赤茯苓各貳兩

一方用香附子壹斤艾葉肆兩當歸貳兩俱用醋煮

刪繁方治妊娠懷胎數落而不結實或冷或熱百

病之源經心錄同

甘草

黃芪

人參

川芎

白朮

地黃

吳茱萸各等分。一方有當歸乾薑

右為末空心温酒調貳錢息菘菜桃李雀肉醋物

婁按丹溪論俱是虛熱而無寒者今姑存此一方

以俟施之于千百而一者也

醋附丸治數墮胎方見血崩

千金療妊娠三箇月胎欲墮方灸膝下壹寸柒壯

妊子不成時時墮胎後漏下五色疼痛灸胞門關門左邊

二寸名胞門右邊二寸名子宮

胎墮後為半產夫妊娠日月未足胎氣未全而產者

謂之半產盖由妊婦衝任氣虛不能滋養於胎胎氣

不固或擲撲閃墜致氣血損動或因熱病温瘧之類

皆冷半產仲景謂寒虛相搏此名為革婦人則半產

漏下是也又云半產俗呼小產或三四月或五六月

胎前 半產

大甲日

丁三



月皆為半產以男女成形故也或因憂恐悲哀暴怒或因勞力打撲損動或觸冒暑熱忌黑神散恐犯熱藥轉生他疾宜玉燭散和經湯之類便產須知云小產不可輕視將養十倍於正產可也又云半產即肌肉腐爛補其虛損生其肌肉益其氣血去其風邪養其臟氣將養過於正產十倍無不平復宜審之薛小產重於大產蓋大產如栗熟自脫小產如生採破其皮殼斷其根蒂也但人輕忽致死者多治法宜補形氣生新血去瘀血若未足月痛而欲產芎歸補中湯倍加知母止之若產而血不止人參黃芪湯補之

若產而心腹痛當歸川芎湯主之胎氣弱而小產者八珍湯固之若出血過多而發熱聖愈湯汗不止急用獨參湯發熱煩躁肉潤筋惕八珍湯太渴面赤肌洪而虛當歸補血湯身熱面赤脈沉而微四君薑附東垣云晝發熱而夜安靜是陽氣自旺於陽分也晝安靜而夜發熱是陽氣下陷於陰中也如晝夜俱發熱者是重陽無陰也當峻補其陰王太僕云如太寒而甚熱之不熱是無火也熱來復去晝見夜伏夜發晝止時節而動是無火也如太熱而甚寒之不寒是無水也熱動復止條忽往來時動時止是無水也若

合前 半產

不孕四

一



陽氣自旺者補中益氣湯陽氣陷於陰者四物二連  
湯重陽無陰者四物湯無火者八味丸無水者六味  
丸一妊婦五月服剪紅丸墮胎腹中脹痛服破血  
藥益甚手按之愈痛余曰此峻藥重傷脾胃受患用  
八珍倍參芪半夏乳沒二劑痛止數劑全愈史仲  
子室年甫二十夜胎墮時咳服清肺解表喘急不寐  
請視余曰脾土虛不能生肺金藥重損之與補中益  
氣加茯苓半夏五味炮薑四劑漸愈再往視又與八  
珍加五味及十全大補湯而全愈陳氏婦張素怯  
弱生女自乳因病疥年餘遂致羸困復因執喪禮勞

頓數欲眩仆一日感氣忽患心脾高腫作疼手不可  
按嘔吐不止六脉微細之極陳翁自以脉雖虛而病  
形則實誤臆諸痛不可補氣乃用青皮香附吳萸等  
藥而愈繼復患瘧且墮胎又自投理氣行血之藥病  
去元氣轉脫再投參芪補劑不應矣六脉如絲欲絕  
思非附子不能起因亟請薛診之云此由理氣損真  
之誤也連投參芪歸朮附子桂六劑間用八味丸  
五日眠食漸甘六脉全復薛諭之云向使心脾疼時  
卽服此藥瘧亦不作矣一妊婦墮胎昏憤不省自  
汗發搐時吐痰自用養血化痰之劑昏憤不省痰涎



湧出彼以為中風欲用祛風化痰予曰此屬脾氣虛寒所致遂用十全大補加炮薑二千餘劑尋愈  
 生地黃湯 治妊娠胎氣損動氣血不調或擗撲悶墜以致胎墮墮後惡滯不盡腹中疴痛  
 生乾地黃焙壹兩 大黃暴燥 芍藥  
 白茯苓去黑皮 當歸切炒 細辛去苗  
 甘草炙 黃芩去黑皮 桂去粗皮  
 右咬咀每服伍錢匕水壹盞半入生薑大棗拍碎同煎至壹盞去滓不拘時溫服  
 人參湯 治半產後血下過多心驚體顫頭白運轉

或寒或熱臍腹虛脹疼痛

- 人參
- 麥門冬去心
- 生乾地黃焙
- 當歸洗焙
- 芍藥
- 黃芪
- 白茯苓去皮
- 甘草炙各壹兩

咬咀每服參錢水壹盞煎至柒分去滓食前溫服  
 大墮胎後復損經脈而下血不止甚則煩悶至死皆以調補胃氣為生  
 薛前證若肝經血熱用四物參朮山梔肝經風熱用防風黃芩丸肝經怒火用加味逍遙散脾經氣虛用四君歸地脾經鬱滯用加味歸脾湯氣滯不和用紫蘇飲胃氣下陷用補中益氣湯



人參黃芪湯 治小產氣虛血下不止

人參 黃芪炒 當歸

白朮炒 白芍藥炒 艾葉各壹錢

阿膠炒貳錢 右作一劑水煎服

治妊娠損動下血不止腹痛宜服此

阿膠壹兩 艾葉兩半 水壹大盞煎六分去滓空心服

治妊娠損動下血不止方

甘草壹兩 阿膠貳兩 雞子壹個 右以水貳大盞煮甘草

壹盞參分去滓下雞子膠候膠烊攪勻分三服

龍骨散 療因損娠下惡血不止

龍骨 當歸 地黃各貳兩

艾葉壹兩 地榆 阿膠

芍藥 乾薑各壹兩半 蒲黃壹兩貳錢半

牛角鯁炙集貳兩半 右食前用米飲調下貳錢

千金療落胎下血不止方

右以生地黃汁壹小盞調代赭石末錢壹日三服

治妊娠下血不止疼痛方亦治小便不禁

家雞翎燒灰 細研以温酒調下貳錢如人行五

里再服以効為度

千金療妊娠胎墮下血不止方

治前 半產

卷廿四

頁廿



以丹參拾貳兩細切酒五升煮取參升分三服

補遺催生如神散妙

又方 香附子為末米飲調下

當歸酒 治妊娠墮胎後血不出

當歸多令芍藥炒各

咬咀每服參錢七無灰酒壹盞入生地黃汁壹合

銀器內慢火煎至柒分去滓溫服以惡血下為度

烏金散 治妊娠墮胎後惡血不下兼治諸疾血病

好墨貳兩折貳寸挺子燒通赤用好醋壹升

沒藥研麒麟竭各貳錢半麝香壹錢

右為細末每服溫酒調下壹錢七如血迷心用童使加酒調下貳錢七

治妊娠墮胎後血不出少腹滿痛

用羚羊角燒灰細研如麵每服參錢不拘時以豆

淋酒調下

治妊娠墮胎下血不盡苦煩滿欲極時發寒熱狂悶

鹿角屑壹兩熬右用水壹大盞煎壹合取

汁陸分分三服調鹿角屑貳錢服日三須臾血下

紅藍花散 治墮胎後血不出奔心悶絕不識人

紅藍微熬男子髮燒存京墨燒紅



血竭研

蒲黃隔紙炒

右為細末以童便小半盞調貳錢服之立效

白蜜湯治墮胎後惡血不出

白蜜貳兩

生地黄取汁

酒半盞

右汁與酒共入銅器中煎五七沸入蜜攪勻分兩

服服三劑百病可愈

豬膏飲治墮胎血不出上搶心疼痛煩憤

豬膏米合

白蜜參合

生地黄切貳兩

右先將豬膏地黄相和煎令赤色去地黄內蜜攪勻分溫一服相次再服

胞衣不出

當歸湯治妊娠墮胎胞衣不出

當歸切炒

牛膝酒浸切焙

木通剉

滑石研各貳兩

冬葵子炒貳兩

瞿麥穗壹兩

右吹咀每服參錢水壹盞半煎至米分去滓溫服未下再服以下為度

地黄湯

蒲黃炒

生薑切炒各貳錢半

生地黄半兩以銅竹九切炒

右以無灰酒參盞於銀器內同煎至貳盞去滓分三服未下再作服

澤蘭湯

治前

文

百



月信 女科 頁五

澤蘭葉 切研 滑石末 各半 生麻油 少許

右以水盞盞先煎澤蘭至壹盞半去滓入滑石末并油更煎參沸頓服之未下更服

蒲黃酒 作丸名 槐半九

蒲黃 炒壹合 槐子 拾肆枚 為末

右以酒盞盞煎至貳盞去滓分温二服未下更作服 又治妊娠不足月欲產腹痛為未蜜丸酒下

治墮胎胞衣不出腹中疔痛牽引腰脊 下並 聖惠

用蟻窠土參升炒熟帛裹搨心下胞自出也

又方 好墨細研末温酒調下貳錢頓服効

治妊娠胎死腹中衣不出及產後卒有別病欲至狼

狽方 刺熱羊血飲一小盞極効

又方 以水噴其面神驗加醋少許

又方 洗兒水半盞令母服其衣即出勿令產婦知

又方 治胞衣未下腹滿則殺入

用水壹盞煮豬脂壹兩煎十數沸和脂服之當下

又方 出如左 以雞子壹枚取清吞之

又方 出如左 用鐵斧燒令通赤投酒中沸定則出飲之

當歸川芎湯 治小產後瘀血心腹痛或發熱惡寒

當歸 川芎 熟地黃 自製

治行 羊產

腹痛



用前  
女科四

白芍藥炒

玄胡索炒

紅花

香附

青皮炒

澤蘭

牡丹皮

杏仁各等分

右水煎入童便酒各小半盞服

若以手按腹愈痛此瘀血為患宜此藥或失笑散

消之若按之不痛此是血虛宜四物參苓白朮若

痛而作嘔此是胃虛宜六君子若痛而作瀉此是

脾虛宜六君子送一神丸

芎藭湯 治墮胎心腹疼痛

芎藭

芍藥

白朮

阿膠炒令燥

甘州炙各壹兩

右咬咀每服參錢水壹盞入艾葉糯米生薑同煎

至陸分食前服一方無白朮有人參

安熱當歸散 治產後氣血虛弱惡露內停增寒發熱

當歸

白芍藥炒

川芎

黃芩炒各壹兩

白朮伍錢

右為細末溫童便調下貳錢

聖愈湯 治血虛心煩睡卧不寧或五心煩熱

熟地黃酒拌蒸半日

生地黃酒拌

川芎

人參各半錢伍分

當歸酒拌

黃芪炒各伍錢

合前 半產

女科四

百三



右水煎服

當歸補血湯

治肌熱躁熱目赤面紅煩渴引飲晝

夜不息脉洪大而虛重按全無此脉虛血虛也若

誤服白虎湯必死

四物二連湯治血虛發熱或口舌生瘡或晝安夜熱

當歸

胡黃連

東垣云婦人分免及半產漏下昏冒不省瞋目無所

知覺蓋因血暴亡有形血去則心神無所養心與包

當歸 參錢 黃芪 壹兩

右水煎服

熟地黃 芍藥

右作一劑水煎服

絡者君火相火也得血則安亡血則危火上熾故令  
入昏冒火勝其肺瞋目不省人事是陰血暴去不能  
鎮撫也血已虧損往往用滑石甘草石膏之類乃辛  
甘大寒之藥能瀉氣中之熱是血虧瀉氣乃陰虧瀉  
陽使二者俱傷反為不足虛勞之病昏迷不省者上  
焦心肺之熱也此無形之熱用寒涼之藥驅令下行  
豈不知上焦之病悉屬於表乃陰證也汗之則愈今  
反下之幸而不死暴虧氣血必天天年又不知內經  
有說病氣不足宜補不宜瀉但瞋目之病悉屬於陰  
宜汗不宜下又不知傷寒鬱冒得汗則愈是禁用寒



用前  
涼藥也分免半產本氣不病是暴去其血亡血補血  
又何疑焉補其血則神昌常時血下降亡今當補而  
升舉之心得血而養神不昏矣血若暴下是秋冬之  
令太旺今舉而升之助其陽則目張神不昏矣今立  
一方補血養血生血益陽以補手足厥陰之不足也  
全生活血湯

紅花

分

蔓荊子

各伍分

生地黃

夏月熟地

黃

各壹錢

藁本

川芎

各壹錢半

防風

活

獨活

甘艸

柴胡

當歸身

酒葛根

錢

白芍

升麻

各壹錢

咬咀每服伍錢水二盞煎至壹盞盡去滓食前服

### 胎不長

天夫妊娠不長者因有宿疾或因失調以致臟腑衰  
損氣血虛弱而胎不長也當治其疾疾益其氣血則  
胎自長矣 薛前證更當察其經絡審其所因而治  
之 一妊婦胎六月體倦懶食面黃晡熱而胎不長  
因勞欲墜此脾氣不足也用八珍湯倍加參朮茯苓  
三十餘劑脾胃漸健胎安而長矣 一妊婦因怒寒  
熱往來內熱晡熱脇痛嘔吐胎至八月而不長此因  
肝脾鬱怒所致用六君加柴胡山梔枳殼紫蘇桔梗  
病愈而胎亦長矣



安胎白朮散 治妊娠宿有冷胎痿不長或失於將  
理傷胎多墮此藥補榮衛養胎氣

白朮

川芎 各壹兩

吳茱萸 湯泡 半兩

甘草 炙壹兩 兩半

為細末每服貳錢食前溫酒調下忌生冷果實

白朮散 見前胎動不安

黃芪散 主妊娠胎不長安胎和氣思食利四肢

黃芪

白朮

陳皮

麥門冬

白茯苓

前胡

人參 各柒錢半 川芎

甘草 各半兩

右以咀每服叁錢水壹盞薑叁片棗壹枚煎至柒分去滓溫服

人參丸 主妊娠胎不長宜服養胎

人參

白茯苓

當歸

柴胡

刺薊

厚朴

桑寄生 各壹兩

枳殼 柒錢半

甘草 半兩

右為細末煉蜜為丸如梧子大每服貳拾丸食前溫水吞下

集驗治婦人懷胎不長方

鯉魚 長壹尺者以水漬沒內鹽及棗煮孰取汁稍



稍飲之當胎所腹上當汗出如牛鼻狀雖有所見  
胎雖不安者十餘日輒一作此令胎長大甚平安  
附枳實檳榔丸 安養胎氣調和經候癥瘕癖塊有  
似孕婦可以久服血氣通和  
枳實生用 檳榔 黃連  
黃蘗 黃芩 當歸  
木香 阿膠灰炒研各半兩  
右為細末水和丸如小豆大每服參拾丸不拘時  
用溫米飲送下

日月未足欲產過期不產

大全婦人懷胎有七月八月而產者有至九月十月  
而產者有經一年二年乃至四年而後產者各依後  
法治 婁先期欲產者涼血安胎 過期不產者補  
血行滯 醉一妊婦八箇月胎欲墜似產卧久少安  
日哺益甚此氣血虛弱朝用補中益氣湯加茯苓半  
夏隨愈更以八珍湯調理而安  
集驗知母丸 治日月未足而痛如欲產者兼治產  
難及子煩

知母不以多少為細末煉蜜丸如雞頭大溫酒嚥下



日三服 一方丸如梧子大粥飲下貳拾丸

槐子丸 治妊娠月數未足而似欲產腹痛者

槐子 蒲黃各等分

右為細末蜜丸如梧子大溫酒下貳拾丸以痛止為度

又方 取蒲黃如棗核大篩過以井花水調服

又方 梁上塵竈突煤同為末空心溫酒服方寸匕

千治日月未足欲產搗菖蒲根汁壹貳升灌喉中

羅治過期不產方 四物湯加香附棗仁枳殼縮砂

紫蘇水煎服即生

### 鬼胎

大全 夫人臟腑調和則血氣充實風邪鬼魅不能干之若榮衛虛損則精神衰弱妖魅鬼精得入於臟狀如懷娠故曰鬼胎也 薛前證因七情脾肺虧損氣

血虛弱行失常道衝任乖違而致之者乃元氣不足病氣有餘也若見經候不調就行調補庶免此證治法以補元氣為主而佐以雄黃丸之類行散之若脾

經鬱結氣逆者用加味歸脾湯調補之若脾虛血不足者用六君芎歸培養之肝火血耗者用加味逍遙散滋抑之肝脾鬱怒者用加味歸脾逍遙二藥兼服

胎前 鬼胎 女科四 卷三



腎肝虛弱者用六味地黄丸。一婦人經閉八月肚腹漸大，面色或青或黃，用胎證之藥不應。余診視之，曰：面青，脈潛寒熱往來，肝經血病也；面黃，腹大，少食體倦，脾經血病也。此鬱怒傷脾肝之證，非胎也不信。仍用治胎散之類，不驗。余用加味歸脾逍遙二藥，各二十餘劑，諸證稍愈。彼欲速效，別服通經丸，一服下血昏憤，自汗惡寒，手足俱冷，嘔吐不食。余用人參炮薑二劑，漸愈。又用十全大補五十餘劑而安。

雄黃丸 治妊娠是鬼胎致腹中黑血散下腹痛

雄黃 細研 鬼臼 去毛 莽草

丹砂 細研

巴豆 去皮

懶肝 各半兩

蜥蜴 壹枚

蜈蚣 壹條

右為細末，蜜丸如梧子大，空心溫酒下，貳丸，日兩服。後當利，如不利，加至參丸。初下清水，次下蟲，如馬尾狀，無數病極者，下蛇蟲，或如蝦蟇卵，雞子，或如白膏，或如豆汁，其病即除。

治婦人鬼胎及血氣不可忍方

蟹螯 去頭足

延胡索 炒各

右為細末，再研如麵，溫酒調服，半錢胎下為度。

治婦人虛羸有鬼胎癥塊經候不通，以芫花根兩坐



炒令黃色為細末桃仁煎湯調下壹錢當小惡物  
補遺治婦人鬼胎如抱一瓊

吳茱萸

川芎

秦艽

柴胡

殭蠶

巴戟

巴豆

不去油

芫花

醋煨貳兩

右為末煉蜜丸梧子大每服柒丸蜜酒下即出惡  
物而愈

右方俱犯毒藥不可輕用姑以古方存之耳

臨產坐草法

脈訣欲產之婦脈離經沉細而滑也同名夜半覺痛  
應分誕來日日午定知生引脈經曰離經其脈淨腹痛  
者不產也又云其脈離經夜半覺痛日中則生也但離經  
常也謂離其常處為離經假如孕婦昨日見左沉實  
為男之脈今日或脈浮是離經其尋常之脈而異於昨  
日又且腹痛知是將誕也通真子引難經一呼三至  
曰離經為解李晞范又引難經言損至一呼三至難經以  
解沉細而滑皆非也難經言損至一呼三至難經以  
其脈與理則不同且脈訣因其言離經又添沉細而滑  
引後難經之文合脈訣因其言離經又添沉細而滑  
同名離經蓋以前所診男女大為女之脈安辨離經故  
又增沉細而滑以平常所見浮大為女之脈安辨離經故  
惠方云夜半時覺腹痛來日午時必定生產謂此  
午相衝正半日時數也通真子曰夜半痛日午生此  
言恐未為的又曰腹痛而腰不痛未產也若腹痛連



胎前  
腰痛甚者即產所以然者腎繫於腰胞繫於腎故也  
診其尺脈轉急如切繩轉珠者即產也生產有難身  
痛來有緊慢安可定  
以半日當以活法

身重體熱寒又頻舌下之脈黑復青反舌上冷子當  
死腹中須遣母歸其面赤舌青細尋看活子死定  
應難唇口俱青沫又出母子俱死總教拚面青舌赤  
沫出頻母死子活定知真不信若能看應驗尋之賢  
哲不虛陳脈指南作面青舌赤蓋面以候母舌以候  
與前而赤舌青母活子死之候相反若胎先下其子  
得活如未下子母俱亡○自身重體熱寒又頻至此  
並不產脈只以外候參訣子母生死蓋  
以臨產脈不可定但當以察色而知之

楊子建十產論

一曰正產者婦人懷胎十月滿足忽腰腹作陣疼痛  
相次胎氣頓陷至於臍腹痛極乃至腰間重痛穀道  
挺進繼之漿破血出兒子遂生名曰正產

二曰傷產者蓋一人之生陰注陽定各有時日不可  
改移今有未產一月已前忽然臍腹疼痛有如欲產  
仍却無事是名試月非正產也但一切產母未有正  
產之候即不可令人抱腰產母亦不可妄亂用力蓋  
欲產之婦臍腹疼痛兒身未順收生之婦却教產母  
虛亂用力兒身纔方轉動却被產母用力一逼使兒  
錯路忽橫忽倒不能正生皆緣產母用力未當之所



胎前 女科四  
致也凡產母用力須待兒子順身臨逼門戶方始用力一送令兒下生此方是產母之用力當也若未有正產之候而用力傷早并妄服藥餌令兒下生譬如揠苗而助長無益而有害矣此名傷產

要右傷產一法最為切要慎勿輕忽也凡十月未足臨產腹痛或作或止或痛不甚者名曰弄痛非正產之候或腹雖痛甚而腰不甚者非正產之候胎高未陷下者非正產之候穀道未挺逆者非正產之候水漿未破血未出者非正產之候漿血雖出而腹不痛者非正產之候凡未有正產候且令

扶行執忍如行不得或凭物坐之或安臥之或服安胎藥一二服得安即止慎勿妄服催生藥餌惶惶致令產母憂恐而挫其志務要產母寬心存養調停亦令坐婆先說解諭之如覺心中煩悶可取白蜜壹匙新汲水調下切勿妄亂用力先困其母直待子逼門戶腰重痛極眼中如火穀道挺逆時是正產候方可用力并服催生藥也子男婦於未產一月已前腰腹俱痛全似將產其痛至甚但遇已牌稍止如此者將十餘日計無所出因閱此條遂與安胎藥加參朮數服間與肉味養之由是平

胎前 產法

女十四

卷六



復不痛又二十餘日始產一男是時若妄動亂用  
乃并服催生等藥立見危亡矣

三曰催產者言婦人欲產漿破血下臍腹作陣疼痛  
極甚腰重穀道挺進已見是正產之候但兒却未生  
即可服藥以催之或有經及數日產母困苦已分明  
見得是正產之候但兒子難生亦可服藥以助產母  
之正氣令兒速得下生此名催產

四曰凍產者冬月天冷產母經血得冷則凝以致兒  
子不能生下此害最深若冬月產者下部不可脫去  
綿衣并不可坐臥寒處當滿房著火常有煖氣令產

母背身向火令臍下腿膝間常煖血得熱則流散使  
兒易生此名凍產

薛荆婦孟冬分娩艱難勞傷元氣產子已死用油  
紙燃燒斷臍帶藉其氣以暖之俄頃忽作聲此兒  
後無傷食作瀉之證可見前法之功不誣

五曰熱產者盛夏之月產婦要溫涼得所不可恣意  
取涼傷損胎氣亦不可人多熱氣逼襲產母使產母  
血沸而有發熱頭痛面赤昏昏如醉乃至不知人事  
此名熱產若夏月風涼陰雨亦不可任意取涼恐生木病

六曰橫產者兒先露手或先露臂此由產母未常用



力而用之過也兒身未順用力一逼遂至身橫不能  
生下當令產母安然仰臥後令看生之人先推其手  
令入直上漸漸逼身以中指摩其肩推上而正之或  
以指攀其耳而正之須是產母仰臥然後推兒直上  
徐徐正之候其身正煎催生藥一盞吃了方可用力  
令兒下生此名橫產  
七日倒產者產母胎氣不足關鍵不牢用力太早致  
令兒子不能迴轉便直下先露其足當令產母仰臥  
令看生之人推其足入去不可令產母用分毫力亦  
不得驚恐使兒自順云

蛇蛻散 治妊婦欲產時不肯伸舒行動多 腰眠

卧忍痛兒在腹中不能得轉故脚先出謂之逆生  
須更不救母子俱亡

用烏蛇蛻壹條蟬蛻拾肆枚血餘壹握用胎髮並燒灰存性

研分二服温酒調連進之仰卧少頃或用小絹針  
於兒脚心刺三五刺用鹽少許塗刺處即時順生

母子俱活 又法以鹽塗兒足底又可瓜甲搔之  
并以鹽摩母腹上 又以手中指取鍋底墨交畫

兒足下即順生 又方取其父名書兒足下即順  
生 若孕婦橫生不可出者以車前子為末酒服



貳錢七 又方兔絲子為末酒調服壹錢七米飲  
調亦得 又以百草霜香白芷不見火用童便與  
好醋各壹合調成膏沸湯浸服甚者一服即生  
若婦人橫逆難產子死腹中先用黑豆壹大合炒  
熟水與童便合煎服神效 又方用艾葉半斤酒  
肆升者取壹升服之 又以當歸為末酒服方寸  
匕紫蘇湯調服亦可

八曰偏產者兒身未正產母用力一逼致令兒頭偏  
柱左腿或偏柱右腿故頭雖露偏柱一晷不能生下  
當令產母仰臥次令看生之人輕輕推兒近上以手

正其頭令兒頭頂端正然後令產母用力一送即便  
生下若是小兒頭後骨偏柱穀道只露其額當令看  
生之人以綿衣炙溫裹手於穀道外方輕輕推兒頭  
令正便令產母用力送兒生也此名偏產  
九曰礙產者兒身已順而露止頂不能生下蓋因兒  
身回轉肚帶攀其肩以此露止頂而不能生當令產  
母仰臥令看生之人輕推兒近上徐徐引手以中指  
按兒肩下撥其肚帶仍須候兒身正順方令產母用  
力一送使兒生下此名礙產  
右橫產倒產偏產礙產四法若看生之人非精良

胎前 臨產坐草法

女科 四

百七



妙手不可依用此法恐恣其愚以傷人命也按倒  
產者今世往往隨其倒足生下並無後患子母雙  
全不必依推足上之法亦可又礙產者往往肚帶  
有纏在兒頂上而兒頭自出在產門外看生之人  
以手揆其肚帶從兒頭頂過而下之者又有肚帶  
纏在頂上一匝而兒與胞衣自然同下者皆無妨  
不必以此礙產法入產門撥下也  
十曰坐產者兒將欲生其母疲倦久坐椅褥抵其生  
路急於高處繫一手巾令產母以手攀之輕輕屈足  
坐身令兒生下非坐在物上也此名坐產

十一曰盤腸產者臨產母腸先出然後兒生趙都運  
恭人每產則太腸先出然後產子產後其腸不收甚  
以為苦醫不能療偶在建昌得坐婆一法而收之其  
法以醋半盞新汲水柒分調停喫產母面每喫一縮  
三喫收盡此良法也

按前證古方以蓖麻子仁四十九粒研塗產母頭  
頂腸收上急洗去其腸若乾以磨刀水少許濕潤  
之內用磁石煎湯飲之即收上磁石須陰陽家用  
有驗者若以水喫母面恐驚則氣散

丹產後腸不收香油五斤煎熱盛盆中候溫坐油盆



中約一食時以皂角末吹入鼻中嚏作立上妙門

大半夏為末搐鼻中則腸上矣 又方以大紙燃薰

香油點燈吹滅以烟薰產母鼻中腸即上矣

又方 腸出盛以潔淨漆器濃煎黃芪湯浸之腸即

上

臨欲產之時覺腹內轉動即當止身仰臥待兒轉身

向下時作漏試握產母手中指中節或本節跳動方

與臨盆即產矣若初覺不仰臥以待轉胞或未產而

水瀕下此胞衣已破血水先乾必有逆生難產之患

若胎衣破而不得分娩者保生無憂散以固其血自

然生息如血已耗損用八珍湯料壹斤益母艸半斤

水數碗煎熟不時飲之亦有得生者凡孕婦只腹痛

未產也若連腰痛甚者將產也蓋腎候於腰胞繫於

腎故也凡孕家宜預請有仁心知事穩婆常以恩結

其心先與說知倘有生息不順只說未產或遇雙胎

只說胎衣未下恐驚則氣散愈難生息余家親驗之

大抵難產多患於鬱悶安佚富貴之家治法雖云胎

前清氣產後補血不可專執若脾胃不實氣血不充

宜預調補不然臨產必有患難 如因難產或大寒

時急以大油紙燃徐徐燒斷其臍帶雖兒已死冷煖



氣入腹多得後生切勿用方斷之

宜... 胎前... 氣入腹多得後生切勿用方斷之... 胎前... 氣入腹多得後生切勿用方斷之... 胎前... 氣入腹多得後生切勿用方斷之...

催生法

大凡生產自有時候未見時候切不可強服催生滑胎等藥或勢不得已則服之又云切不可坐早及令坐婆亂動手凡催生藥必候腰痛甚胎陷下紫血被衣服大法滑以流通澁滯苦以驅逐閉塞香以開竅逐血氣滯者行氣胞漿先破疲困者固血丹溪云催生只用佛手散最穩當又効捷方見胎產大法

**滑劑**催生如聖散 黃蜀葵子小半合一或錢重研爛以酒濾去滓温服神妙或漏血胎乾難產痛極者并進三服良久腹中氣寬胎滑即產須見正產候方可

胎前

胎前

三



服之歌曰黃葵子炒七十粒 細研酒調濟若急

若遇臨危產難時 免得全家俱哭泣

又方以香油白蜜小便和勻各半盞調益母草末服

又方止用油蜜小便能下難產

又方 治橫倒生者

明阿膠炒 滑石末各壹兩 葵子貳兩

右水壹盞半煎至壹盞去滓分二服

治難產五六日不得分娩者疲困虛乏光明水膠貳

兩微火焙好酒壹升半煎滾入膠候烱再入新鷄子

壹枚鹽壹錢匕攪勻放温令產母坐椅上伸腰大口

作一次服覺小便重即生緣坐草草驚動故也

**苦瀉** 催生柞木飲子 治產難或橫或倒死胎爛脹

腹中此方屢用神效

大柞木枝大握長壹尺 洗淨寸剉生用 甘艸大者伍寸 剉作伍段

右用新汲水叁升半同入新磁瓶內以紙三重封

緊文武火煎至壹升半令產婦腰重痛欲坐

草時温飲壹小盞要末 痛勿服便覺心下開豁如覺渴

再飲一盞至三四盞覺下重便生此方最驗

**梅** 治難產碍胎在腹中如已見兒胎衣不出或胎死

者疾藥子貝母各四兩為末米飲下壹匙如人行



四五里許不下再服

按等能下氣柞木痰藥貝母則又不專於苦寒之亦有利竅行血之功茲特因婁氏所編而列之耳

**香劑乳珠丹**

用通明乳香研細以豬心血為丸梧子大朱砂為衣日乾每服壹粒催生冷酒化下良久未下再服壹粒若大段難產以蓮葉心帶水或盞煎至壹盞放溫化下壹粒良久未下再服其驗如神如胎下胞衣不下者服此便下若胎橫逆不順即先服神應黑散再服此藥催之合藥時要五月五日

午時極妙或七月七日三月二日及初上辰日亦可

又方 通明乳香如皂角子大為末腰痛時用新汲水一

小盞入醋少許同煎令產母兩手提兩石燕坐婆調藥飲水須臾坐草便生無痛楚神良

開骨膏五月五日午時作

乳香研細滴水丸如芡實大每服壹粒無灰酒吞下

又方 乳香 朱砂等分為細末麝香酒調下

催生丹 治產婦生理不順產育艱難或橫或逆



十二月鬼腦髓去皮膜研如泥

母丁香

乳香貳錢半

麝香壹分

右三味拌勻以兔腦髓和丸雞頭實大陰乾油帛裹每服壹丸溫湯下即產兒握藥出如意散臨產腰疼方可服之

人參為末

乳香各壹錢

朱砂貳錢

右同研臨產急用雞子清壹個調藥末再用生薑自然汁調開冷服如橫倒等即時端順子母無恙勝金散 郭稽中云產難者因兒轉身將兒枕血塊破碎與胞中敗血壅滯兒身不能便利是以難產

急服勝金散消散其血使兒自易生陳無擇云多因兒未轉順坐艸太早或努力太過以致胞衣破而血水乾產路澁而兒難下宜先服催生如神散以固其血設或逆生橫產當用前法針刺之

麝香壹錢

鹽豉壹兩以青布裹燒紅急研細

右取秤鍾燒赤粹酒中以酒調服壹錢

行氣催生湯

治妊娠欲產痛陣尚踈難產經三兩日不生胎死腹中或產母氣乏委頓產道乾澁纔覺痛密破水後便可服

蒼朮貳兩米泔浸洗剉炒黃

小厚枳殼去穰炒

白桔梗



本草綱目 卷之四 婦人部 五

薄陳皮 去白 楊芍藥 川白芷

大川芎 去尾各 交趾桂 去麋皮

半夏 湯洗 粉草 麻黃 去節

軍薑 去皮 厚朴 去麋皮剉 南木香 不見火

杏仁 去皮尖 白茯苓 各五錢

右為末每服貳錢順流水溫暖調下若覺熱悶白  
蜜湯下或對散入真米醋壹合煎方內用楊芍藥  
肉桂能開通子宮其餘藥皆助氣之盛關竅自通  
麻黃內通陽氣陽氣盛則血行血行即產矣外却  
寒邪去積聚皆得其宜寒月用之甚確隆暑不宜

輕服但以五令散用葵子燈心煎湯調下卻暑清  
魂滑胎易產胞漿先破則胎乾難產用白蜜清油  
侵以熱酒令得所頓服胎氣既潤即分挽矣

難產 縮砂 香附醋炒 枳殼 甘草 滑石 右

為末白湯調服

**行** 本草主難產搗益母草取汁柴大合煎減半頓

服立產 無新者以乾者壹大握水柴合者服

**丹** 易產天麻丸 天麻 即益母草六月間帶根 為末

煉蜜丸龍眼大臨產熱水嚼壹丸能除產後百病

佛手散 方及加減法

見胎產大法



胎前 女科四

如聖散 專治孕婦難產

紫蘇葉 當歸 各等分

右咬咀每服叁五錢用長流水煎服如無流水以  
承順攪動煎服即下 又方取本夫視帶五寸燒  
存性酒調服下 又方取槐樹東枝冷產婦把之  
易產 又方用紫蘇煎湯調益元散服之即產

無憂散 治胎肥氣逆臨產難產

當歸 去蘆酒浸 川芎 木香 不見火

白芍藥 枳殼 去白 鹽炒 甘艸 炙各壹

乳香 另研 血餘 燒存性另研各半錢

右作一服水貳鍾煎至壹鍾入乳香血餘和勻不  
拘時服

**固血** 治胞漿先破惡水來多胎乾不得下時須先

與四物湯補養血氣次更濃煎蔥湯放冷令坐婆洗  
產戶須是款曲洗令氣上下通暢更用酥調滑石末  
塗產戶裏次服神妙乳珠丹或葵子如聖散  
催生如聖散 治逆產橫生瘦胎

百草霜 香白芷 不見火

右二味等分研勻每服貳大錢於臨產時以童便  
并少米醋打為膏沸湯調下集驗用酒童便各半

胎前 備生 女科四 三首



蓋同煎纔沸即執服不過再服即產丹溪用芎歸  
魚則止此藥大能  
固血免得乾生

婦人臨產累日氣盡不能生兼惡露出盡胞乾終不  
產者用赤小豆壹斗水玖升煮令熟去荳滓以阿  
膠參兩入豆汁溶化每服止半盞未產再服即出

**破血** 半夏湯 治胎乾而不能產

半夏 麩壹兩 大黃 伍錢 肉桂 半錢

桃仁 參拾枚 微炒

右為粗末先服四物湯一二服次服半夏湯薑參  
片水煎又方當歸為末酒調方寸匕服之

七聖散 臨產腰疼方服

延胡索 沒藥 白礬

白芷 薑黃 當歸

桂心 各等分

右為末臨產陣痛時燒鏹刃鐵頭即犁令通赤酒  
調下叁錢服一兩盃立產

勝金散 治難產逐敗血即自生若橫逆則轉正子

死腹中則胎軟膨寬即產祖宗秘傳千金不授

王不留行 酸漿艸死胎倍用 菟蔚子

白蒺藜去刺 五靈脂行血宜生用各等分



右為散每服參錢取利方水壹盞半入白花劉寄奴子壹撮同煎溫服大効

**外取如聖膏**

治產難併治胞衣不下兼治死胎  
草麻子粒去殼細研成膏塗脚心胞即下速洗去  
不洗腸出却用此膏塗頂上腸自縮入下方草麻子百粒雄黃壹錢細研用如法

**催生萬金不傳遇仙丹**

草麻子拾肆粒去殼

硃砂研

雄黃研各壹錢半

蛇蛻壹尺燒存性

一方草麻子叁粒

右為末漿水飯和九如彈子大臨產時先用椒湯

淋濕臍下次安藥壹丸於臍中用蠟紙數重覆上

闊帛束之頭生下急取去藥丸可用三次

三麻四豆脫衣裳研碎將來入麝香若有婦人遭產

難貼在臍中兩分張用草麻子叁粒巴豆肆粒去殼入麝研細貼臍中

**立聖丹 治產難危急者**

寒水石肆兩貳兩生用貳兩煨赤

右同研細入朱砂同研如

深棗花色每用叁分井花水調如薄糊以紙花剪

如杏葉大攤上貼臍心候乾再易不過三上便產

橫逆惡候死胎不下並治神驗寒水石非方解石是也此方異人所傳妙



**雜方** 圖經云令產婦兩手各握石燕壹枚須臾子下  
 救產難經印不生雲母粉半兩溫酒調服入口即產  
 萬不失一陸氏云已救三五百人效治橫逆產理不順用伏龍  
 肝細研每服壹錢酒調服其土從兒頭上戴出妙  
 世如神散 治催生累効靈妙之理人所難通用實  
 殊効 臨產時令人路上尋破草鞋壹隻取耳燒  
 灰溫酒調下叁錢七得左足者男右足者女覆者  
 死側者有驚果是神奇用此送催生丸尤妙  
 勝金丹 治難產神妙敗鬼毫筆頭壹枚燒灰研細  
 搗生藕汁壹盞下之若產母虛弱及素有冷疾者

恐藕冷動氣即於重湯內煖過服立產

**針灸** 東婦人將產預先胎破惡水長流坐草早無血

可養枯竭 獨陰伍分在足小指第二節間 承陰壹分

玉催生難產及死胎 太衝捌分 合谷補 三

陰交五分 足小指節叁壯心術 產子上衝

逼心 巨闕令正坐用抱頭抱腰微偃針入陸分留

手心有針痕子頂母心以中有痕 台谷叁分留

向後枕骨有痕是其驗也神効 三陰交五分瀉

**張仲文** 橫產難產 右腳小指尖頭灸叁壯

**集又法** 獨陰同上法取埃 合谷補 三陰交瀉



桑難產 三陰交

治驗淳于意治菑川王美人懷子而不乳召臣意往  
 飲以葭藶藥一撮以酒飲之旋乳意復診其脉而脉  
 躁躁者有餘病即飲以消石一劑出血血如豆比五  
 六枚 滑伯仁治一婦難產七日而不乳且食甚少  
 伯仁視之以涼粥一盂搗楓藥煎湯調啖之旋乳或  
 詰其理滑曰此婦食甚少未育無穀氣而生者夫楓  
 葉先生先落後生後落故以作湯飲也 麗安常治  
 一婦產七日而子不下百治不効麗視之令其家人  
 以湯温其腰腹自為上下拊摩孕者覺腸胃微痛

吟間生一男其家驚喜而不知所以麗曰兒已出胞  
 但一手誤執母腸不能脫非符藥所能為吾隔腹捫  
 兒手所在針其虎口痛即縮手所以遽生無他術也  
 取兒視之右手虎口針痕存焉 一婦累日產不下  
 服催生藥不効麗曰此必坐草太早心下懷懼氣結  
 而不行非不順也素問云恐則氣下蓋恐則精神怯  
 怯則上焦閉閉則氣逆逆則下焦脹氣乃不行矣以  
 紫蘇飲一服便產及治婦人子懸證紫蘇飲見胎上逼心 吳  
 菱山治一婦產難三日不下服破血行經之藥俱罔  
 効吳因製一方以車前子為君冬葵子為臣白芷枳



穀為佐使已服午產眾醫異之吳曰本草謂催生以此為君毛詩採芣苢以防產難是也 劉復真遇府判女產不利已斂劉取紅花濃煎扶女于堯上以綿帛蘸湯盪之連以堯帛上以器盛水又煖又淋久而甦醒遂生男子蓋遇嚴冬血冷凝滯不行溫即產見亦神矣哉 一醫宿客店值店婦產數日不下下體已冷無藥甚窘以椒橙茱萸等煎湯可下手則和臍腹人門處皆淋洗之氣溫血行遂產 交骨不開 交骨不開產門不開皆由元氣素弱胎前失於調攝以致血氣不能運達而然也交骨不開

陰氣虛也用加味芎歸湯補中益氣湯產門不開氣血虛也用十全大補湯 地官李孟卿娶三十五歲女為繼室妊娠慮其產難索加味芎歸湯四貼備用至期果產門不開止服一貼頓然分娩 上舍費懷德之室產門不開兩日未生服前藥一劑即時而產 上舍傳此方用之者無有不驗 一婦人分娩最易至四十妊娠下血甚多產門不開與前湯一劑又以無憂散斤許煎熟時時飲之以助其血而產 加味芎歸湯 主交骨不開不能生產

川芎

當歸

自死龜板

胎前催產

女科四

壹枚

壹枚



婦人頭髮

生男女多者  
言握燒存性

右為散每服伍錢水煎服約人行五里即生如胎死亦下灼過龜板亦可

此法用之清熱解毒... 胎死亦下灼過龜板亦可... 婦人頭髮... 言握燒存性... 生男女多者... 此法用之清熱解毒... 胎死亦下灼過龜板亦可... 婦人頭髮... 言握燒存性... 生男女多者...

下死胎法

產難子死腹中者多因驚動太早或觸犯禁忌致令產難胞漿已破無血養胎枯涸而死故也須驗產母舌若青黑其胎死矣當下之下之大法寒者熱以行之熱者涼以行之燥者滑以潤之危急者毒藥

烏金散

治難產熱病胎死腹中或因顛仆或從高墜下或房室驚搗或臨產驚動太早觸犯禁忌或產時未到經血先下惡露已盡致胎乾子死身冷不能自出但視產婦面赤舌青是其候也面



青舌赤母死子活唇青吐沫子母俱斃又有雙胎  
或一死一活其候難知臨時觀變可也

熟地黃洗切焙 真蒲黃 大當歸

交趾桂 楊芍藥 軍薑去皮

粉草各壹兩 小黑豆肆兩 百草霜伍錢

右為末每用貳錢米醋半合許沸湯六七分浸起  
溫服疑貳之際且進佛手散酒水合煎二三服探  
之若未死子母俱安若胎已死立便逐下的知其  
胎死進此藥後更進香桂散須臾如手推下常用  
催生更加好滑石末半兩葵子五十粒槌碎黃柞

葉七八皮葱白一寸順流水煎湯調下蓋滑石能  
利小便柞葉行氣逐血葱白內通陽氣氣盛血行  
即產矣

大全下死胎方 桂枝錢麝香壹富門子壹同研煖酒

服須臾如手推下各桂此藥比之用水銀等

不損血氣趙和一方單用桂末壹錢痛時童便

調下名救苦散

一穩婆之女勤苦負重妊娠腹中陰冷重墜口中甚  
穢余意其胎必死令視其舌果青黑與朴硝半兩許  
服之隨下穢水而愈 一婦胎死服朴硝而下穢水



肢體倦怠氣息奄奄用四君為主佐以四物薑桂調補而愈

**寒劑**治妊娠三五月胎死在腹內不出

大腹子

赤芍藥

榆白皮各叁兩

當歸壹兩炒

滑石末米錢半

瞿麥

葵子炒

茯苓

粉草

子芩各半兩

右為粗末每服肆錢水壹盞煎至米分去滓不拘時溫服

鄧知縣傳療死胎不出朴硝半兩研細以溫童便調

服屢効

治死胎不下指甲青舌青脹悶口中作屎臭先以平

胃散一貼作兩服每服酒水各壹盞煎至壹盞却

投朴硝末半兩再煎三五沸溫服其胎化血水下

本治子死腹中不出用辰砂壹兩水煮四五沸末之

然後取酒調服立出

外療子死腹中真珠貳兩為末酒調服盡立出

**滑劑**千金治小兒死腹中葵子末酒服方寸匕若口

禁不開格口灌之藥下即活療妊娠胎死腹中

或母疾欲下胎榆白皮者煮汁服貳升



大治子死腹中或半生不下或半著脊骨在臍不產血氣上盪母心面無顏色氣欲絕

豬脂 壹斤 白蜜 壹升 淳酒 貳升

右三味合煎取貳升分温二服不能飲隨所能服之

**毒劑** 一字神散 治子死胎不下胞破不生此方屢效救入無量

鬼白 黃色者不以多少去毛碾爲末極細如粉不用羅以手指捻之

右每服貳錢用無灰酒壹盞同煎至捌分通口服立効如神

**雜方** 世治生產不順胎死腹中胞衣不下臨產危急

妙

蛇退 壹條全者香油燈上燒研 麝香 少許

石爲末童便酒各半盞調一服卽生効

楊氏療有孕月數未足子死腹中母欲悶絕取大豆

下左 黑豆 叁升醋煮濃汁叁升頓服立効

本事治妊娠熱病拍死腹中鹿角屑壹兩水壹盞葱

五莖豆豉半合同煎至陸分去滓温分二服


又方 取死胎 烏雞壹隻去尾細切以水叁升煮

取貳升去雞通手用衣帛蘸摩臍下胎自出









Kitasato Memorial Medical Library

